

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na sjednici Predstavničkog doma, održanoj 17. jula 2003. godine i na sjednici Doma naroda, održanoj 18. jula 2003. godine, usvojila je

ZAKON

O IZMJENAMA I DOPUNAMA ZAKONA O IZBJEGLICAMA IZ BIH I RASELJENIM OSOBAMA U BIH

Član 1.

U Zakonu o izbjeglicama iz BiH i raseljenim osobama u BiH ("Službeni glasnik BiH", broj 23/99, od 23. decembra 1999. godine) u članu 10. stav 2., članu 16. stav 1. tačka b), članu 21. i članu 22. stav 1. riječi:

"Ministarstvo civilnih poslova i komunikacija" zamjenjuju se riječima:

"Ministarstvo za ljudska prava i izbjeglice" u različitim padežima.

Član 2.

U članu 7. stav 1. riječi: "Raseljena osoba prestaje biti raseljenom:" zamjenjuju se riječima:

"Raseljenoj osobi prestaje status:"

U tački b) riječ "dobrovoljnim" se briše.

Član 3.

U članu 10. stav 2. mijenja se i glasi:

"Radi efikasnosti koordinacije mjera i aktivnosti koje, u stvaranju uslova za povratak preduzimaju ili imaju namjeru preduzeti nadležni organi i organizacije, Ministarstvo za ljudska prava i izbjeglice će u saradnji sa nadležnim ministarstvima entiteta, županija-kantona i UNHCR-om izraditi program povratka izbjeglica iz BiH i raseljenih osoba, najkasnije u roku od 4 mjeseca od dana stupanja na snagu ovog zakona."

Iza stava 2. dodaje se novi stav 3. koji glasi:

"Ministarstvo za ljudska prava i izbjeglice Bosne i Hercegovine će u saradnji s nadležnim ministarstvima entiteta pratiti realizaciju ovog programa i o tome obavještavati Parlamentarnu skupštinu Bosne i Hercegovine."

Dosadašnji stav 3. postaje stav 4.

Član 4.

U članu 13. stav 1. riječi: "1. aprila 1992. godine" zamjenjuju se riječima: "30. aprila 1991. godine".

Član 5.

U članu 15. riječi: "30. aprila 1992. godine" zamjenjuju se riječima:
"30. aprila 1991. godine".

Član 6.

U članu 20. iza riječi "odgovornost" dodaju se riječi: "u skladu sa važećim propisima."

Član 7.

Član 30. mijenja se i glasi:

"Ovaj zakon stupa na snagu osmog dana od dana objavljivanja u "Službenom glasniku BiH", a objavit će se u službenim glasilima entiteta i Brčko Distrikta Bosne i Hercegovine."

PS BiH broj 70/03
18. jula 2003. godine
Sarajevo

Predsjedavajući
Predstavničkog doma
Parlamentarne skupštine BiH
Šefik Džaferović, s. r.

Predsjedavajući
Doma naroda
Parlamentarne skupštine BiH
Velimir Jukić, s. r.